



121

11. 30

Procancellarius
 GEORGIUS TOBIAS
 SCHVVEN-
 DÖRFFERUS
 JURISCONSULTUS, DE-
 CRETALIUM PROFESSOR,
 ET FACULTATIS JURIDICÆ OR-
 DINARIUS,

1673

LECTURIS
 Salutem & Officia!

*

30

4, 29

De Privilegijs Doctorum Juris Lipsiensium



Procurator
Georgius Tobias
Schavvenden
Dörfferus
Terrisconsultus
Oratorium Professor
Et Mathematicus
Darius

LECTURIS
Salutem & Official





Gratia Tua Suscipiat Nos
DOMINE!

DEI Trinunius gratiâ factum est, ut superiori anno 1672. opus Promotionum ad dignitates Juridicas auspiciariac producere potuerimus, & quidem sub optatæ Pacis arbitrio: quod certè beneficium meretur, ut gratias libemus

Pacis principi a. geniumq; Beneficentiæ ejus humiliter veneremur. Sic enim spes est, fore ut benè Cœpta feliciter quoq; possint Perfici. Ut enim, ex mente Caji, *β.* cujusque rei *Potissima pars* est Principium, tamen id demum *Perfectum est*, quod Omnibus suis partibus constat. DEI ergò omnipotentis favore freti, circumstrepentes bellorum minas adeò non timebimus, ut deseramus Coronidem promotionis doctoralis. Hanc coronidem ac coronam exoptant *Quinq; viri litteris moribusq; præstantissimi*, quos antehàc *Licentiatos juris tam canonici quam civilis* publicè renunciavimus.

Jungetur itaq; *Petro Paulus*, hoc est, ea quæ solenni-

A 2

ter

a. Esaia 9. v. 6.

β. L. I. ff. de Origine juris.



ter coepta sunt *in auditorio Petrino*, pari solennitate *in templo Paulino* absolventur. Ita enim more Majorum receptum est, ut in *Templo &* quidem *Academico* distribuatur dignitas Doctoralis. Fortè ut etiam tunc candidati admoneantur *religionis in Deum* γ. quando ipsis *honorum Academicorum apex* δ. confertur. *Tempus promotionis* hujus complemento destinatum, incidet in *diem XXI. Octobris*, qui est *hujus septimana feria Tertia*, à *Marte* communiter dicta. Aliàs quidem tales actus non *Martis* sed potius *Jovis* diei cesserunt; verùm

Tempora mutantur, & Nos mutamur in illis, ε.

Prudentiæq; vicina dispositio est, καὶ ἐὼ λαλεῖεν. ζ. Proinde cum ipse SERENISSIMUS ELECTOR ac DOMINUS noster Clementissimus, PATER PATRIÆ, Temporum præsentium sit memor, & ob bella in imperio Romano - Germanico suborta Extraordinarias preces, gemitûs & jejunia indixerit, quæ utiq; in hujus hebdomadis diem Veneris incident: quidni etiam Juridica Facultas ejusdem temporis sit memor? Ut igitur *dies Veneris* confirmatori peragatur devotione, etiam *dies Jovis* (ad Seriæ pietatis piationisq; Progymnasmata) à Lætioribus illibatus servandus erit, eoq; ipso ad promotionis Actum atq; Prandium præcedens *dies Martis*

γ. quàm Religiosus fuerit Templorum aditus, innuit Joh. Laurentii polymathia lib. 2. diff. 14. p. 117. a. δ. ita Doctoralem dignitatem vocat Franc. Duarenus lib. 5. de benef. Ecclesiast. c. 12. ε. recitatur hic versus à Chr. Besoldo in Synopsi Politicâ Lib. 1. part. 2. c. 11. §. 14. p. 148. ζ. uti Sentit & Loquitur Phocylides apud Erasmus in adagiis p. 637. b.

tis selectus est. Nemo tamen tam scrupulosus erit Aristarchus, ut inde aliquid Absurdi emerfurum putet. Nam & *Physicorum* Scholæ Tempus Locumq; ad affectiones Extrinsecas^{n.} tantum referunt, persuasi insimul Tempus quæ tempus nulli esse contrarium, & nullam inferre efficaciam. Ipsi autem *Jurisconsulti παρρησιαζόμενοι* dicunt: Tempus non curatur, dummodo effectum habeamus.^{n.} Uti ergo aliàs Privilegia non ex Tempore, sed ex Causa æstimantur: λ. ita quoque Doctorales honores ob justas Causas impetrati, ne utquam plus æstimii ex die Jovis trahent. *Numerum doctorandorum* quod concernit, sunt æqvè ac ante μ. Qvinqvennium *Qvinq;*: an autem in hac Pentade aliqujus Ominis mysterium latitet, nobis non licet inquirere. Qvanquam aliàs libentes fatemur, Qvinarie numeri mentionem non solum in sacris Bibliis, sed etiam in jure Romanorum deprehendi. Apud Romanos enim veteres testamentum, quod dicebatur per Æs & Libram, præsentibus *Qvinq;* testibus condebatur: v. idemque *Qvinarie* numerus etiam in codicillis ac cæteris ultimarum voluntatum elogiis retentus fuit, ξ. nisi quod in Solenni testamento ad Septenariū usq; o. auctus fue-

A 3

rit.

^{n.} Joh. Sperlingii *Physica* lib. 2. c. 1. præc. 6. p. 262. ^{9.} VVilh. Stratemannii *Physica* Lib. 2. c. 5. can. 11. p. 274. ^{1.} Greg. Stannarii regulæ sub *Physicis* p. 354. can. 2. ^{2.} Th. à Thomasettis *flores legum* reg. 310. p. 315. ^{λ.} L. 32. ff. de rebus auctorit. judic. possid. ^{μ.} A. C. 1668. d. 22. Octobr. ^{v.} §. sed ut nihil 1. J. de Testam. ordinand. ^{ξ.} L. cum 28. §. 1. C. de Testam. & L. ult. 8. §. fin. C. de Codicillis. ^{o.} testis est L. 12. L. 21. l. fin. C. de Testamentis. Rationes illius 'Επ' αὐτῷ indicant Osyv. Hilliger in Donello enucleato lib. 6. c. 7. litt. F. Reinh. Bachov. ad Treutler. vol. 2. Disp. 10. th. 5. A. Erasm. Ungepaar ex. 8. qv. 2.

rit. Sic ad Manumissionem inter amicos π . aut per epistolam. ϵ . *Quinq;* debent adhiberi testes: *Quinq;* testes requiruntur ad *Ætatis* femineæ probationem: σ . *Totidem* ad Generis quandoq; faciendam fidem: τ . *Totidem* quoq; ad demonstrandam Solutionem debiti factam. υ . Et, ne quid dicam de jure *Quinq;* Liberorum, ϕ . de *Quinq;* ordinibus dignitatum χ . deq;ve majoritate ac prærogativa clericorum *Quinq;* modis ψ . constituenda: illud tantum moneo, quod jus Canonicum sanxit, scilicet ut homines sacrorum ordinum in studiis Generalibus ω . *Quinquennium* α . traduxerint. Quo ipso Pontifices (qui in plerisq; jurium suorum rhapsodiis Imperatorum extiterunt β . æmuli) Imperatoris Justiniani vestigia secuti γ . sunt. Nam & Justinianus I. *Quinquennium* δ . studio Juridico destinavit. Quâ tamen destinatione non ad Necessitatem sed ad Possibilitatem respexisse videtur: Nam etsi, pro illius temporis ratione, *studiū juris* *Quinquennali* solertiâ perfici potuerit; tamen idem Lustrum prensaturis *præmia Doctoralia* præcisè injungi non Debit. Utpote cum *homines non minus Animo*
quàm

π . Arn. Vinnius comm. ad §. 1. I. de libertin. ϵ . l. un. §. 1. C. de latinâ libertate tollendâ. σ . l. 2. §. 1. C. de his qui veniam *Ætatis* impetrav. τ . l. 15. §. 1. C. de testibus. υ . l. 18. C. de testibus. ϕ . l. 4. pr. & l. 3. §. 6. ff. de munerib. & honorib. χ . l. 2. C. ut Dignitatum ordo servetur. ψ . Gr. Vallensis paratitla juris Canon. lib. 1. tit. 33. §. 2. p. 98. ω . per quæ intelliguntur partes Philosophiæ, v. c. Grammatica, Poësis, Dialectica. c. 8. de hæret. & schismat. in VII. α . d. c. 2. de hæreticis in VII. β . Joach. Hagemeier de auctoritate juris Civil. & Canon. c. 1. p. 13. 14. Dan. Kersers hist. juris parte 3. p. 27. & 28. ubi de Gregorio IX, & Glosâ juris civilis. γ . Secuti, inquam: nam juris Civilis collectio ferè Sex seculis prior est compilatione juris Canonici, teste Chronologiâ. δ . in constitut. de Methodo juris docendi §. 5. fin. addatur Gothfredi nota ad §. 1. ibidem.

quàm Corpore differant^{s.} comprimis autem in Præco-
cibus ingeniis attendendum sit, non quàm Diu, sed
quàm Laudabiliter vixerint ac studuerint. §. Deniqve,
quemadmodum Plato non nisi *Quinq;* amicos ad nu-
ptiale convivium vocari^{n.} voluit: ita antehac à Nostra
Facultate ultra *Quinq;* *Doctores* uno actu non crea-
bantur. Sed cesset nunc ulterior circa Numerum dis-
quisitio: *Numeri* enim [uti de *Quantitate* dicunt
Philosophi] non sunt de genere activorum, §. nullaqve
eorum per se est efficacia. Quin potius aliud memo-
ratu dignius pensitabimus: nimirum in Quinario isto
Doctorandorum numerò conspiciuntur duo candidati,
quorum uterqve est *filius Assessoris*, uterq; est *proles Se-
nioris* in Facultate Nostrâ: alter eorum est Ordinarii
nepos & *Ducit* agmen, alter verò ordinem *Claudit*. Su-
periore, ut & anteriore seculò, Doctorum hic promo-
torum Filii vel Nepotes ad eandem dignitatem ascen-
debant rarius; Sed hoc seculò, divinâ favente gratiâ,
frequentius: in tantum, ut in talibus promotionibus ta-
lium filii plerumq;, quasi ex compacto, extiterint Cor-
rivales. Sic anno 1609. Unus quidem renunciatus fu-
it Doctor; sed Ann. C. 1619. Duo: Ann. C. 1623. item
Duo: similiter Ann. C. 1627. Mihimet competitor-
es tales fuerunt Duo nativitate fratres & Ordinarii fi-
lii.

^{s.} Leo Imperator Novellâ 28. post pr. §. can. 71. fin. ca. 12. qv. 2. allegatus H. Her-
meti in fasciculo juris publici c. 33. §. 153. p. 662. ^{n.} veteres quoqve in nu-
ptiis *Quinq;* tantum faces accenderunt. Petr. Lindenberg in Numeris sacris
& profanis c. 5. §. 28. p. 640. ^{§.} Variorum axiomata philosoph. ax. 5. p. 590.
^{s.} J. Scharffii Metaphysica l. 3. c. 2. ax. 4. p. 185.

līi. Ann. C. 1635. Unus saltim promovebatur; aſt A. C. 1641. iterum Duo. Præterea A. C. 1645. Unus; ſed quem A. C. 1656. iterum exceperunt Duo, ambo inſimul Ordinariorum filii. Anni deniq̄ve 1663. promotio notabilis apprimè fuit: nam tunc inter Sex doctores proclamatos Majorem numerum implebant Quatuor Aſſefforum filii. Quæ omnia de *Aſſefforum noſtrorum filiis* non aliâ recolimus mente, quàm quâ inſimul vovemus, ut etiam *Aliorum* liberi decentibus honoribus allecti, experiri diſcant

— *quid Virtus & quid Sapientia poſſit.* ^{x.}
Certè, cū Civilis ſapientia ſit res Sanctiſſima, ^{λ.} Laudis ferox, ^{μ.} ac Juſtitia divitiis abundans, ^{ν.} ad inſtar formosæ Veneris, facilè amatores ſibi conciliare valet. Inter eos Doctorandi quoq̄; noſtri eandè tempeſtivè ambiverunt ſanctèq̄ve coluerunt: Perſuaſi inſuper, nihil exoptatus ſibi accidere poſſe, quàm ſi hanc Divam [Themidem intelligo] ſolenni quoq̄; fœdere ſibi copularent, & quidè non in aliâ quàm in hâc *Philyreâ academiâ*. Cujus quidem conſilii prægnantes videntur habuiſſe cauſas. Quis enim Noſtrum eſt, qui ignoret, *hanc LIPSIENSEM primas inter Statuum Evangelicorum academias tenere*, ^{ο.} ſive antiquitatem ſpectes ſive auctoritatem? Nam jamdum A. C. 1409. ſub Ruperto Imperatore auſpiciis *Friderici I. cognomine Bellicoſi Ducis & Electoris Saxoniæ,*

^{x.} Horat. lib. 1. ep. 2. v. 17. ^{λ.} l. 1. §. proinde §. ff. de extraordin. cognition.
^{μ.} arg. l. 6. §. 5. C. de poſtulando. ^{ν.} arg. l. 1. §. 1. ff. de J. & J. Novell. 69. pr.
^{ο.} B. Carpzov. lib. 2. jurispr. Conſiſtorial. tit. 25. def. 396. n. 9. & n. 17. 18. ubi dictum *Primum* reſcriptis Electoralibus ſtabilit.

nia, Marchionis Misniae, natales sumpsit: ita verò conditam more tunc receptò, per bullam *Alexander V. Pontifex* variis privilegiis corroboravit, corroboratam autem *Jobannes XXIII. Pontifex* variis π . Canonicatibus locupletavit: Donec eandem quoq; Imperatores Augustissimi ex plenitudine summæ potestatis clementissimè confirmarunt, pluribusqve splendidis juribus exornarunt, uti testantur historici. ϵ . Neminem etiam latet, quàm opimâ *Jurisdictione* dotata sit Lipsiensis academia, utpotè cum non solùm Civilium sed & Criminalium causarum habeat arbitrium, & tam Mero quàm Mixto polleat imperiò. Ejusdem Lipsiensis academiae singularem, laudeqve ac utilitate admirabilem foundationem dixeris, si perspexeris vel omnium Membrorum in *quatuor Nationes* distributionem, vel Capitis aristocratici i. e. *Rektoris post trina scrutinia electionem*, vel *quatuor Facultatum* circumspèctas dispositiones, vel *variorum Collegiorum* structuras & societates, vel deniqve *Consiliorum plurimorum* ordinationes. Consiliorum enim Alibi tot vix reperientur, quot quidem in **Almâ nostrâ**, ubi utiqve non solùm est consilium *Professorum & Decanorum*, verùm etiam *Nationale*, *Decemvirorum & Assessorum*. Quæ tamen latius impræsentiarum deducere, instituti ratio non permittit: Suffi-

B cit

π . Eorum *Sex* numerat Matth. Dresserus in tractatu de præcipuis urbibus Germaniæ p. 310. sc. Duos Canonicatus Misnenses, Duos Martisburgenses, Unum ex Numburgensi, Aliumq; ex Cizensi Episcopatu. ϵ . interq; eos Zachar. Schneider/ in Chronico Lipsiensi lib. 6. von der löblichen Universität p. 274. & p. 282.

cit enim quædam indicasse, ex quibus pateſcat quàm amabilis ac conducibilis ſit **Licéi Lipſienſis** familiaritas : quod ipſum etiam Juris cultores allicere debebat, ut Hic potius quàm Alibi ad labores ac præmia Doctoralia anhelarent. Hæc enim tantæ maturitatis ſunt apud **Lipſienſes**, ut ſtatim poſt creationem percipi queant. Poſteſt autem Privilegiorum doctoralium ſeries in duas commodè diſtribui claſſes : altera eſt eorum, quæ omnium Facultatum Doctoribus (à quibus Philoſophorum Magiſtros haut quaquam excluſos volo) *Communia* ; altera reſpicit conceſſa Jurisconſultis *Peculiariter*. Ad *Priorem* claſſem ſpectant varia, comprimis tamen (1.) Locus & huic annexum tum Conſiliorum tum etiam Suffragiorum & Statuendi jus *in conſilio Nationali*. Ad hoc autem Συβέδειον, utpote præcipuum & ſummum, referendæ ſunt cauſæ quæ totius Academiae ſtatum, Nationum ſalutem & alia inde dependentia afficiunt aut efficiunt. Deinde (2) eò ſpectare credamus *Honorum & Officiorum participationem*. Ex hoc, veluti vivaci fonte, fluit *Reſtorum & activa & paſſiva electio*, ſeu (ut minus barbarè loqvar) facultas non modò Eligendi Reſtorem, ſed etiam dignitatem Reſtoralem Capeſſendi. Quid? quod etiam ex dictorum Doctorum numero ſingulis ſemeſtribus *quatuor Aſſeſſores* fieri poſſint : hi autem ex ſuis Nationibus poſt Commendationem Reſtoralem ſelecti, Reſtoris lateri junguntur, ut ſuis conſiliis votisq; lites deter-

terminare allaborent. Hæc sanè prærogativa alibi tam delicata est, ut non aliis tribuatur Doctõribus, Licentiatõs & Magistris, quàm qui in orchestram Professorum emerferunt. Extat (3) rescriptum de anno 1543. gratiosissimum, in quo Serenissimus Saxonix Dux **Mauritius** consuetum suum in *Academiam Lipsiensem* favorem, etiam Membris ejus patefecit. Benignissimè quippè cavit, ut *in deferendis Functionibus tam politicis quàm ecclesiasticis ratio præprimis haberetur Lipsiensium*: quibus inde plerumq; potiores & pingviores vivendi conditiones obtigissent, nisi quorundam Exterorum indoles Quandoq; Mauritiano rescripto obstitisset. Nec (4) silentio involvi debet *Prælatio in processionibus & sessionibus*: quæ autem, & quatenus Reliquarum Facultatum Doctõribus competat, intactum relinquo. Hoc tamen certum est, *Juris Doctõribus nostratibus*, utpote personis Publicis, præ *Cæteris* [quamdiu hi sunt Privatæ sortis & publici officii expertes] *πρῶτον* meritissimo jure deberi. Duriusculè hæc non-nemo dicta putabit; sed credat in eõdem jure ipsum **Serenissimum Electorem Saxonix**, Dominum nostrum clementissimum Doctores nostrates confirmasse. Cum enim quidam, Status nostri minus gnari aut memores, controversiam excitare ausi fuissent, **Serenissimus academiæ Lipsiensis Tutanus** susceptam causæ cognitionem per decisionem tam express-



pressam quam æquissimam A. C. 1667. finivit. Sed
tempus monet, ut etiam delibemus Posteriores clas-
sem privilegiorum, id est, quæ **Lipsiensis aca-**
demia suis Doctoribus juris voluit esse *Propria*.
Unum ergo est, quod eorum Filii patrifantes & ad
insignia Doctoralia adspirantes, certâ *Sumptuum* per-
fruantur immunitate. Aliud & præcipuum privile-
gium efficit, ut, finitâ festivitàte Doctorali, novi Do-
ctores juris actutum *Facultatis juridicæ concilio* si non
Inferantur tamen Adferantur. Recipiuntur quippe
[uti Metaphysicus fortè diceret] quoad *actum Pri-*
imum & *jus certum* inde competens, non verò quoad
actum Secundum & *quæsti juris Exercitium*: norunt
se quidem esse *De collegio*, sed tamen nulla In collegio
membra Regentia. Nam hoc munus non spectat ad plu-
res quam *Undecim*: quorum caput & præses vocatur
Ordinarius, eò quod causas collegium Juridicum con-
cernentes Ordinet & moderetur. Si officium ejusdem
spectes, est Decanus Perpetuus, quamvis alias Decano-
rum munia sint Ambulatoria. Eligi & constitui solet
immediatè ab ipso **Electore Saxonix Serenif-**
simo: ita ut tunc prævia Facultatis Juridicæ denomi-
natio non admittatur; quam tamen maximè necessari-
am esse, scimus in cooptatione Professoris. Isti autem
Doctores unò alteròve ex Regentibus [uti modo voca-
bam] defuncto, *Spem* successionis *Reipsa* sentire incipi-
unt, cum secundum ordinem, quem promotionis series
signa-

signaverat, in illorum locum cooptantur. Quis itaque nunc dicere aufit, talem facultatem Doctōri Juris in aliis quoque academiis ex solâ promotione provenire? Quin, si quis *Alibi* insignia Doctoralia assumpsit, non aliter ad privilegia *nostratibus Doctōribus* concessa enitetur, quàm si iisdem se per legitimos tramites æqualem habilemque reddiderit. Cæterum beneficium istud, quo nostri Doctores juris gaudent, non est beneficium *Merum*, sed datur *propter Officium*: requirens utique profundam legum Scientiam, Prudentiam experientiâ firmatam, Solertiam in perlegendis & ponderandis Actis ad collegium transmissis, Dexteritatem denique in Sententiis probè congruèq; concipiendis. Proinde ii, qui *Assessorum* titulo dignè condecorari cupiunt, tam in Theoriâ quàm in Praxi nervosè exercitati esse debent: certò persuasi, ruinosam esse Justitiæ basin sine legum Scientiâ & Intelligentiâ, futilem esse Jurisprudentiæ structuram sine legum accommodatione. Quando autem quis legum tum Explicationes tum Applicationes pari jure dilexit, earumque familiaritatem expetiit, tunc indubitate sibi Decus, toti autem collegio Auctoritatem Famamque conciliat. Quod certè unumquemque movere & permovere debet, ut omnibus modis sese Dignum reddat subselliis Assessorum & fructibus Facultatis nostræ. Quamquam enim Promotio doctoralis hinc obtenta *Sementem* quasi facit ad *Assessuram* aliquando obtinendam, tamen, ut *Messis ipsa* realiter dignaque manu percipiatur, non sufficit cassum lassumque nomen Doctōris, sed laboribus



ribus eruditis uti paratum, ita propagatum; id quod
Assessorum tum Officium tum Finis, ob quem Collegio
inferuntur, sufficientur edocet.

Nolo tamen hisce diutius inhærere, ut sic certius citi-
usq; revertar ad dictos QVINQVE viros LICENTIA-
TOS, videlicet

Casparum Theophilum

ROMANUM

Engelbertum deBURG

Johannem Henricum

MELICH

Gothofredum SCHILTERUM,

Landshuttâ-Silesium

Fridericum Tobiam MOEBIUM,

Lipsiensem.

Cum enim eosdem gradu DOCTORALI antehac *Di-
gnissimos* judicaverimus, jam, submissis moniti preci-
bus, gradum DOCTORALEM *Conferemus*. Innixi

itaqve auctoritate, quâ Reverendissimus

Serenissimus ac Celsissimus Prin-

ceps

}Lipsienses



3
ceps ac DOMINUS, DOMINUS CHRIS-
TIANUS, Dux Saxoniae, Ju-
liae, Cliviae ac Montium, postu-
latus Administrator Episcopatus
Martisburgensis, Landgravius Thu-
ringiae, Marchio Misniae & utriusq;
Lusatiae, Comes in Marcâ & Ravens-
berg, Dynasta in Ravenstein, CAN-
CELLARIUS hujus Academiae &
Dominus noster Clementissimus,
per gratiosissimam delegationem me dignatus est, *di-
ctum XXI. Octobris* actui Promotionis $\sigma\upsilon\nu\ \theta\epsilon\omega$ destina-
vimus. Quemadmodum igitur Conradus Celtes die 21.
Octobris A. C. 1501. potestate Poëtas laureatos creandi
donatus fuit: ita eodem *die 21. Octobris* in *aede Paulinâ*,
me præeunte, à Dn. Promotore indigitati LICENTIA-
TI laureâ DOCTORALI donabuntur. Ne autem actui
solenni ac panegyrico quicquam vel Splendoris vel ~~Æ-~~
stimii vel faustarum Acclamationum decedat, RECTO-
REM ACADEMIÆ *Magnificum, Reliquarum Facul-*
tatum DECANOS, *utriusq; reipublicæ* PATRES CON-
SCRI-

SCRIPTOS & CÆTEROS *vel suis Meritis vel suo in
nos Favore notabiles*, officiosè rogatos & peramanter
inuitatos volumus, ut unà cum aliis *Hospitibus lectissi-
mis* æstimatissimam suam Præsentiam nobis communi-
cent, eoq; ipso ad gratæ mentis redhostimentum nos
obligent. Deniq; **STUDIOSAM JUVENTUTEM** be-
nevolè monemus, ut *horas post Septimam matutinas*
Dissertationibus exaudiendis consecret, Ceremonias
actum doctoralem decorantes cognoscat, & post-
hac iisdem aut similibus Præmiis sese
dignissimam reddat.

PP. Lipsiæ die 19. Octobr. qvi simul erat Domi-
nica XXI. post TRINITATIS.

Ann. 1673.

Literis HAHNIANIS.





Pro
SCH
DO
JURIS
CRETA
ET FAC

De Privilegiis



2;
ius
S
EN.
S
S, DE-
SOR,
OR-

17.30

1673

30

4.29

